

*Provedador a Casal Mazor.*

Sier Polo Corer, fo cao di 40, di sier Marco . . . . .	41.119
Sier Lunardo Mocenigo, fo cao di 40, di sier Thomà . . . . .	66. 93
Sier Zuan Mathio Girardo, fo auditor vechio, <i>quondam</i> sier Francesco. . . . .	37.128
Sier Hironimo Bernardo, fo zudexe di propio, <i>quondam</i> sier Alvixe. . . . .	41.121
Sier Piero Dolfim, fo ai 3 savij, <i>quondam</i> sier Fantim . . . . .	69. 89
Sier Francesco Michiel, <i>quondam</i> sier Thomà, da San Canzian . . . . .	53.108
Sier Bernardo Zane, fo cataver, <i>quondam</i> sier Hironimo . . . . .	66. 99
Sier Piero Michiel, fo provedador a Rimano, <i>quondam</i> sier Lucha . . . . .	77. 93
Sier Filippo Paruta, fo al dazio dil vin, di sier Domenego . . . . .	27.156
Sier Vctor di Garzoni, fo soraconsolo, <i>quondam</i> sier Vienzo. . . . .	50.108
Sier Giacomo Contarini, fo provedador sora l'armar, di sier Piero . . . . .	72.115
Sier Marco Paradiso, fo ai 3 savij, <i>quondam</i> sier Zusto . . . . .	52.116
Sier Ferigo di Renier, fo auditor vechio, <i>quondam</i> sier Alvise. . . . .	55.103
Sier Francesco Duodo, fo cao di 40, <i>quondam</i> sier Lunardo . . . . .	74. 85
Sier Andrea Marcello, fo zudexe di pe- tizion, <i>quondam</i> sier Antonio . . . . .	44.115
Sier Giacomo Antonio Trivixan, è provedador a Casal Mazor . . . . .	42.147
Sier Bernardo da Canal, fo podestà e provedador a Roman, <i>quondam</i> sier Zuane . . . . .	65. 94
Sier Piero Belegno, fo podestà e capetanio a Zazil, <i>quondam</i> sier Pollo . . . . .	52.107
Sier Giacomo Donado, el grando, <i>quondam</i> sier Carlo . . . . .	68. 86
Sier Alvise Valaresso, fo sora i gastaldi, <i>quondam</i> sier Baptista . . . . .	38.117
† Sier Piero Marcello, fo di pregadi, <i>quondam</i> sier Filippo. . . . .	141. 17

*A di 26 luio.* In colegio non fo niuna letera di lezer, et fo parlato di armar la fusta a Veia. Et Jo fici far comandamento a sier Bernardo Boldù, patron di la galia dil Zaffo, qual messe bancho, e la galia butà in aqua, si debbi venir a provar im pre-

gadi, justa la parte. *Item*, fo parlato dil signor Carlo Orssini, qual vol agumento. Et fu fato la mostra in corte di palazo di alcuni provisionati, tolti per mandar su l'armada *etc.*

Da poi disnar fo gran conseio, et reduto li savij <sup>212</sup> in colegio. Et fo aldito el signor Carlo Orssini, qual comple la ferma a di 7 octubrio; et li fo ditto, la Signoria nostra non voleva darli alcun agumento; et cussi li fo dà combiato.

*Item*, fo aldito domino Gaspar Stanga, fradello di domino Marchesino, a l'incontro di quelli di Seresina.

*Di Verona, di rectori.* Chome hanno letere di sier Christoforo Duodo, provedador di Peschiera, come ha letere dil vichario de Cisam, esser stà retenuo quatro forzieri di Frachasso, andavano in Ale magna; et par che domino Galeazo di San Severino, stravestito, sia passato *etc.*

*A di 27 luio.* In colegio veneno sier Antonio Valier e sier Alvise da Molin, provedadori sopra la exatiom, e aricordono molte provisiom per il scuoder; qual fono laudati.

*Di sier Hironimo Michiel, governador di la Meduna.* Scrive dil caso seguito di la morte di quel soldato, et per villani sono stà amazà XI, et narra il caso a che modo.

*Di Axola, di sier Piero Lombardo, provedador.* Si duol di uno citadin de li, di alcune parole usate; et li fo scritto vengi qui, per admonirlo non usase più tal parole.

*Di Padoa, di 20, de Cadubrio de Cadubrijs, doctor, fo soracomito di la galia ystriana.* Dimanda potersi apresentar, non obstante la sententia dil zeneral; et vol justificarsi. Si jacta haver fato, et carga li sopracomiti.

*Da Pinguento, di sier Andrea Ferro, podestà, di 15.* Come è andato li per haver la consignation dil rezimento, et trovò sier Andrea Magno, era podestà li, absentado per erori commessi; et fo terminà lezer ditta letera im pregadi, et cometerlo a li avogadori.

*Di Udene, dil luogo tenente e provedador Marcello.* Come hanno da missier Martim e Piero Ludovonich zercha turchi in Bossina; et esser venuto uno messo dil conte Anzolo di Frangipanni, qual voria condotta da la Signoria, et li hanno risposto in bona forma. *Item*, madona Dorathea e il ducha Zuane, suo fiol, di Corbavia, li scrive turchi con Schander sono pochi. *Item*, hanno visto una letera scritta a missier Tristam Sovereghan, come Iachel Iacob è stà fato capetanio a Goricia, e vien li. *Item*, el conte di